

Uunga siunnersuut: Ajoqusernermi sillimmasiisarfinnut qularnaveeqqusiisarnermut aningaasaateqarfik pillugu inatsimmi aalajangersakkani assigiinngitsuni allannguinerup Kalaallit Nunaanni atortussanngortinneqarneranik Kalaallit Nunaanni Namminersorlutik Oqartussat akuersissuteqarnerat

Saqqummiussissut

Siullermeerinnineq

Matumuuna Naalackersuisut sinnerlugit ajoqusernermi sillimmasiisarfinnut qularnaveeqqusiisarnermut aningaasaateqarfik pillugu inatsimmi aalajangersakkani assigiinngitsuni allannguinerup Kalaallit Nunaanni atuuttussanngortinneqarneranik Kalaallit Nunaanni Namminersorlutik Oqartussat akuersinerat pillugu peqqussutissatut siunnersuut pillugu Inatsisartunut aalajangiiffigisassatut siunnersuut saqqummiuppara.

Ajoqusernermi sillimmasiisarfinnut qularnaveeqqusiinermut aningaasaateqarfimmut inatsit Kalaallit Nunaannut 2008-mi atortussanngortinneqarpoq, peqqussumullu allannguutissatut siunnersuutigineqartut nutarterinernik qulinik, qallunaat inatsisaannut 2010-mit 2023 tikillugu nutarterissutaasimasunik imaqarpoq.

Qularnaveeqqusiinermut aningaasaateqarfik suliffeqarfiuvoq imminut pigisoq, taannalu susasaqarfinni arlalinni sillimmasiisaarfik akiliisinnaajunnaartillugu sullitat taarsiivigineqarnissaminnut piumasaqaataannut matussusiisarpoq. Taamaalilluni qularnaveeqqusiinermut aningaasaateqarfiup sillimmasiisarfilluunniit akiliisinnaajunnaaraluarpat, sullitat sillimmasiisarfiimmit taarsigassarsivigineqarnissamut pissutissalimmik piumasaqaateqartut taarsiivigineqarsinnaanerannik isumannaarinniffigisarpai. Qularnaveeqqusiinermut aningaasaateqarfiup ilaatigut inuinnartut sillimmasiinernut (atuisut sillimmataat) sillimmasersimasunit, qamutininut motorilinnut akisussaanermik sillimmatit malillugit inunnit allanit inuup atortulluunniit ajoqusernerani, sillimmateqartut illup ikuallannissaanut sillimmateqartuni, kiisalu sulinermi ajutoornermi sillimmasiissutit malillugit sillimmatilinni taarsiivigineqarnissamik piumasaqatit matussuser tarpai.

Allannguutit Qularnaveeqqusiinermut aningaasaateqarfiup matussusiiffigisaani ajutoornermi sillimmasiisarfiit Den Europæiske Unionimi nunaniluunniit Unionip aningaasaqarnermut immikkoortumi isumaqatigiissuteqarfigisaani angerlarsimaffeqartut ilaatinneqartunngorlugit annertusineqarpoq. Allannguutip nunami angerlarsimaffimmi periuseq qimallugu (sillimmasiisarfiup nunatut angerlarsimaffigisaa) nunami sumiiffimmi periuseq (nuna sillimmateqartup najugaa) atorneqalernera malitsigaa. Matumani nunatsinni sillimmateqartut piginnaatitaaffiisa pitsanngornerat pineqarpoq, peqatigisaanillu tamanna nunatsinni

sillimmasiisarnermik niuerfimmi annertunerusumik unammillertoqalersinnaanera ammaanqarpoq.

Peqqussummissaaq danskit immikkoortumi ministeriata akisussaasup (erhvervsministerip) aningaasaateqarfimmik attaveqarnerup qarasaasiaq atorlugu pisussaananeramik malittarisassiorsinnaananeramik piginnaatitsisuummik imaqarpoq.

Tamatuma saniatigut Qularnaveeqqusiinermi aningaasaateqarfiup aningaasaatai, qamutit qamutitut motoorilinnut akisussaananermik sillimmateqartup ajoqusiinerinut atatillugu ajoqusersimasunut taarsiissutinik akiliinermut atatillugu, ajoqusernermi sillimmasiisarfiit sorliit Qularnaveeqqusiinermut aningaasaateqarfimmut ilassussaatitaaneri, sulinermit ajoqusernermi sillimmasiisarfiup sulinermi ajoqusernissamut sillimmasiinermik il.il. ingerlatsinissamik akuersisuummik arsaanqarnerani Qularnaveeqqusiinermut aningaasaateqarfiup sulinermi ajoqusernissamut sillimmasiisarfimmi sillimmasersimasunik aqutsilernissamut pisussaaffianik tigusernerani, malittarisassat allanngortinneqarnissaat siunniunneqarpoq.

Allannguutissatut siunnersuutigineqartut erseqqinnerusumik misissornissaannut aalajangiiffigisassatut siunnersuut, Finanstilsynip peqqussummik eqikkaanera peqqussutissatullu siunnersuut innersuussutigissavakka.

Taama oqaaseqarlunga Naalakkersuisut sinnerlugit siunnersuut Inatsisartunut suliassanngortippara.